

**- UPRAVNI ODBOR -**

Broj: 02-24/21

Sarajevo, 26. 07. 2021. godine

Z A P I S N I K**SA 47. ELEKTRONSKE SJEDNICE UPRAVNOG ODBORA INTEGRIRANOG
UNIVERZITETA U SARAJEVU****ODRŽANE 26. 07. 2021. GODINE S POČETKOM U 10:00 SATI**

Prisutni članovi Upravnog odbora (pozvani putem e-maila): predsjednik dr. sc. Murat Ramadanović, gospođa Belma Trajkov, dr. sc. Mersiha Slipičević, gospodin Sifet Kukuruz, prof. ddr. Lidija Zvačko, prof. dr. Jasminka Gradašćević-Sijerčić, prof. dr. Dijana Avdić, akad. prof. dr. Dejan Milošević, prof. dr. Kasim Bajrović, prof. dr. Abidin Deljanin i Hamza Vahid El-Din, predstavnik studenata.

Ostali prisutni (obaviješteni putem e-maila): prof. dr. Rifat Škrijelj, rektor Univerziteta u Sarajevu, prof. dr. Tarik Zaimović, prorektor za finansije, prof. dr. Dženana Husremović, prorektorica za nastavu i studentska pitanja, prof. dr. Mirza Dautbašić, prorektor za naučnoistraživački rad, prof. dr. Enita Nakaš, prorektorica za međunarodnu saradnju, prof. dr. Tamara Karača Beljak, prorektorica za umjetnost, umjetničkoistraživački rad, kulturu i sport, prof. dr. Dušanka Bošković, prorektorica za kvalitet, Kenan Filipović generalni sekretar, gospodin Ekrem Čagalj, interni revizor, prof. dr. Sahrudin Sarajčić, izvršni direktor, Berina Smajlović, rukovodilac Službe za prave poslove i Belma Hajradinović, viši stručni saradnik za pravne poslove.

Elektronska sjednica je započela u 10:00 sati.

Sjednici nisu pristupili dr. sc. Mersiha Slipičević, gospodin Sifet Kukuruz, prof. ddr. Lidija Zvačko i Hamza Vahid El-Din, predstavnik studenata.

Sjednicom je predsjedavao dr. sc. Murat Ramadanović, predsjednik Upravnog odbora, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Upravnog odbora putem e-maila dostavljen poziv za održavanje 47. elektronske sjednice zakazane za ponedjeljak 26. jula 2021. godine, sa naznakom perioda izjašnjavanja od 10:00 do 16:00 sati.

Na osnovu izjašnjenja predsjednika i članova Upravnog odbora, uz sedam (7) glasova „za“ Upravni odbor je usvojio dnevni red, kako *s l i j e d i*:

DNEVNI RED

1. Usvajanje zapisnika sa prethodnih sjednica Upravnog odbora Univerziteta u Sarajevu: Zapisnik sa 43. elektronske sjednice od 17. 05. 2021. godine, Zapisnik sa 44. elektronske sjednice od 17. 06. 2021. godine, Zapisnik sa 45. elektronske sjednice od 17. 06. 2021. godine, Zapisnik sa 7. vanredne sjednice od 06. 07. 2021. godine i Zapisnik sa 46. elektronske sjednice od 12. 07. 2021. godine
2. Davanje prethodnog mišljenja o dodjeli statusa nastavne baze Zavodu za zdravstvenu zaštitu žena i materinstva Kantona Sarajevo
3. Davanje saglasnosti na angažman rektora Univerziteta u Sarajevu na Prirodno-matematičkom fakultetu Univerziteta u Sarajevu u studijskoj 2021/2022. godini
4. Prijedlog izmjene Cjenovnika uslova Veterinarskog fakulteta Univerziteta u Sarajevu
5. Davanje saglasnosti dekanu Prirodno-matematičkog fakulteta na zaključivanje Ugovora o poslovnoj saradnji između MTEL a.d. Banja Luka i Univerziteta u Sarajevu - Prirodno-matematičkog fakulteta
6. Prijedlog Uputstva o načinu izrade, broju, čuvanju i upotrebi pečata i prijemnog štambilja Univerziteta i organizacionih jedinica

Pojedinačni akti organizacionih jedinica vezani za saglasnost za korištenje pečata i prijemnog štambilja:

- a) Arhitektonski fakultet
 - b) Filozofski fakultet
 - c) Fakultet sporta i tjelesnog odgoja
 - d) Fakultet za kriminalistiku, kriminologiju i sigurnosne studije
 - e) Prirodno-matematički fakultet
 - f) Stomatološki fakultet sa klinikama
 - g) Orijentalni institut
 - h) Fakultet zdravstvenih studija
 - i) Institut za genetičko inženjerstvo i biotehnologiju
 - j) Poljoprivredno-prehrambeni fakultet
7. Zakup poslovnih prostora na organizacionim jedinice Univerziteta u Sarajevu
 - a) Davanje saglasnosti rektoru Univerziteta u Sarajevu za zaključenje Ugovora o zakupu poslovnog prostora između Univerziteta u Sarajevu i „VENSA“ Društva za proizvodnju, trgovinu i usluge d.o.o. Sarajevo
 - b) Razmatranje Zahtjeva Prirodno-matematičkog fakulteta Univerziteta u Sarajevu kojim se traži oslobađanje od zakupnine
 - c) Razmatranje Molbe dekana Šumarskog fakulteta Univerziteta u Sarajevu za produženje zakupnog odnosa sa zakupoprimcem Uduženje „IGRA“ pod ugovorenim uslovima

8. Zahtjev Emine Muftić, zaposlene na Farmaceutskom fakultetu Univerziteta u Sarajevu za zaštitu prava iz radnog odnosa
9. Prigovori učesnika u javnom oglasu na organizacionim jedinicama Univerziteta u Sarajevu
 - a) Alma Palalija, učesnica u javnom oglasu za radno mjesto „tehnički sekretar“ na Fakultetu za kriminalistiku, kriminologiju i sigurnosne studije
 - b) Samira Topalović, učesnica u javnom oglasu za radno mjesto „spremačica“ na Fakultetu za kriminalistiku, kriminologiju i sigurnosne studije
 - c) Nermine Rizvić, učesnica u javnom oglasu za radno mjesto „spremačica“ na Fakultetu za kriminalistiku, kriminologiju i sigurnosne
10. Informacije:
 - a) Obavijest o dopunama dinamičkog plana Akademije scenskih umjetnosti, Arhitektonskog fakulteta, Ekonomskog fakulteta, Elektrotehničkog fakulteta, Fakulteta islamskih nauka, Prirodno-matematičkog fakulteta, Poljoprivredno-prehrambenog fakulteta Univerziteta u Sarajevu.

T O K S J E D N I C E

Ad-1.

U okviru *tačke 1.* razmatrani su prijedlozi zapisnika sa prethodnih sjednica Upravnog odbora Univerziteta u Sarajevu:

Zapisnik sa 43. elektronske sjednice od 17. 05. 2021. godine - usvojen sa 7 (sedam) glasova „za“,

Zapisnik sa 44. elektronske sjednice od 17. 06. 2021. godine - usvojen sa 7 (sedam) glasova „za“,

Zapisnik sa 45. elektronske sjednice od 17. 06. 2021. godine - usvojen sa 7 (sedam) glasova „za“,

Zapisnik sa 7. vanredne sjednice od 06. 07. 2021. godine - usvojen sa 7 (sedam) glasova „za“ i

Zapisnik sa 46. elektronske sjednice od 12. 07. 2021. godine - usvojen sa 7 (sedam) glasova „za“.

Ad-2.

Upravni odbor Univerziteta u Sarajevu je razmatrao Odluka Vijeća Fakulteta zdravstvenih studija Univerziteta u Sarajevu, kojom se prihvata Inicijativa Javne ustanove Zavodu za zdravstvenu zaštitu žena i materinstva Kantona Sarajevo broj: 10-1052-01/21 od 09. 06. 2021. godine i pokreće procedura za dodjelu statusa nastavne baze Javne ustanove Zavoda za zdravstvenu zaštitu žena i materinstva Kantona Sarajevo kao nastavne baze Fakulteta zdravstvenih studija Univerziteta u Sarajevu.

Upravni odbor je sa 6 (šest) glasova „za“ donio *s l j e d e ć e*¹

MIŠLJENJE

Daje se **pozitivno** mišljenje na prijedlog Fakulteta zdravstvenih studija Univerziteta u Sarajevu, kojim se pokreće inicijativa za priznavanje Javne ustanove Zavodu za zdravstvenu zaštitu žena i materinstva Kantona Sarajevo kao nastavne baze, na način i pod uvjetima utvrđenim relevantnim propisima.

Ad-3.

Upravni odbor Univerziteta u Sarajevu je razmatrajući Zahtjev upućen od strane Prirodno-matematičkog fakulteta Univerziteta u Sarajevu broj: 01/01-1364/1-2021 od 17. 06. 2021. godine, odlučio o istom. S tim u vezi Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Daje se prethodna saglasnost prof. dr. Rifatu Škrijelju, rektoru Univerziteta u Sarajevu za angažman na Prirodno-matematičkom fakultetu Univerziteta u Sarajevu u studijskoj 2021/2022. godini za realizaciju nastavnog procesa na sljedećim predmetima:

- Sistematika nižih ahordata, prvi ciklus, I semestar (broj časova sedmično: 1)
- Osnovi ekologije, prvi ciklus, I semestar, (broj časova sedmično: 1)
- Sistematika viših ahordata, prvi ciklus, II semestar (broj časova sedmično: 0,5)
- Sistematika hordata, prvi ciklus, IV semestar (broj časova sedmično: 1)
- Ekologija životinja (odgovorni nastavnik), prvi ciklus, VII semestar (broj časova sedmično: 3)
- Ekologija (odgovorni nastavnik), prvi ciklus, VII semestar (broj časova sedmično: 0,5)
- Metodologija naučnoistraživačkog rada, drugi ciklus, I semestar (broj časova sedmično: 0,5)

II

Prof. dr. Rifat Škrijelj ispunjava zakonske uslove za angažman u pogledu izvršenog izbora u zvanje.

III

Zadužuje se dekan Prirodno-matematičkog fakulteta Univerziteta u Sarajevu prof. dr. Nusret Drešković za realizaciju ove Odluke.

IV

Ova Odluka stupa na snagu danom donošenja i vrijedi za studijsku 2021/2022. godinu.

¹ Gđa. Belma Trajkov, članica Upravnog odbora Univerziteta u Sarajevu se nije izjasnila o datom prijedlogu akta, u okviru svog izjašnjenja tražena su dodatna obrazloženja od strane stručne službe.

Ad-4.

Upravnom odboru Univerziteta u Sarajevu je dostavljena na davanje saglasnosti izmjena Cjenovnika usluga Veterinarskog fakulteta Univerziteta u Sarajevu, koji je utvrđen Odlukom Vijeća Veterinarskog fakulteta Univerziteta u Sarajevu broj: 05-09-230-5/19 od 21. 06. 2019. godine i na koji je Upravni odbor Univerziteta u Sarajevu dao saglasnost Odlukom broj: 02-74-2/19 od 28. 06. 2019. godine. Upravni odbor Univerziteta u Sarajevu je sa 6 (šest) glasova „za“, donio *s l j e d e ć u*

O D L U K U

I

Daje se **saglasnost** na izmjenu Cjenovnika usluga Veterinarskog fakulteta Univerziteta u Sarajevu broj: 05-09-230-5/19 od 21. 06. 2019. godine.

II

Izmjena Cjenovnika iz tačke I ove Odluke vrši se na način i u dijelu utvrđenom Odlukom Vijeća Veterinarskog fakulteta Univerziteta u Sarajevu broj: 05-09-230-9/21 od 14. 06. 2021. godine, a koja čini sastavni dio ove Odluke.

III

U ostalom dijelu Cjenovnik iz tačke I ove Odluke ostaje nepromijenjen i u svemu se odgovarajuće primjenjuje.

IV

Ova Odluka stupa na snagu danom donošenja.

Ad-5.

Upravnom odboru Univerziteta u Sarajevu je upućen Zahtjev dekana Univerziteta u Sarajevu – Prirodno-matematičkog fakulteta prof. dr. Nusreta Dreškovića broj: 01/01-1588/3-2021, kojim se daje saglasnost za zaključenje Ugovora o poslovnoj saradnji (-lokacija BH1013 „PMF“ Sarajevo), između Univerziteta u Sarajevu – Prirodno-matematičkog fakulteta Univerziteta u Sarajevu, kojeg zastupa prof. dr. Rifat Škrijelj, rektor Univerziteta u Sarajevu i MTEL a.d. Banjaluka, kojeg zastupa Marko Lopičić, generalni direktor.

Upravni odbor Univerziteta u Sarajevu je sa 6 (šest) glasova „za“, donio *s l j e d e ć u*

O D L U K U

I

Daje se saglasnost za zaključenje Ugovora o poslovnoj saradnji (-lokacija BH1013 „PMF“ Sarajevo), između Univerziteta u Sarajevu – Prirodno-matematičkog fakulteta Univerziteta u Sarajevu, kojeg zastupa prof. dr. Rifat Škrijelj, rektor Univerziteta u Sarajevu i MTEL a.d. Banjaluka, kojeg zastupa Marko Lopičić, generalni direktor.

II

Obavezuje se rektor Univerziteta u Sarajevu da u skladu sa zakonom i Statutom Univerziteta u Sarajevu utvrđenim nadležnostima da ovlaštenje dekanu Prirodno-matematičkog fakulteta Univerziteta u Sarajevu za zaključenje Ugovora iz tačke I. ove odluke.

III

Ova Odluka stupa na snagu danom donošenja.

Ad-6.

Upravnom odboru Univerziteta u Sarajevu su dostavljeni pojedinačni akti organizacionih jedinica vezani za saglasnost za korištenje pečata i prijemnog štambilja i to:

- a) Arhitektonski fakultet
- b) Filozofski fakultet
- c) Fakultet sporta i tjelesnog odgoja
- d) Fakultet za kriminalistiku, kriminologiju i sigurnosne studije
- e) Prirodno-matematički fakultet
- f) Stomatološki fakultet sa klinikama
- g) Orijentalni institut
- h) Fakultet zdravstvenih studija
- i) Institut za genetičko inženjerstvo i biotehnologiju
- j) Poljoprivredno-prehrambeni fakultet

S tim u vezi, Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Upravni odbor Univerziteta u Sarajevu donosi Uputstvo o načinu izrade, namjeni i upotrebi, čuvanju, evidenciji i uništavanju pečata, suhog žiga i prijemnog štambilja Univerziteta u Sarajevu.

II

Uputstvo iz tačke I ove odluke stupa na snagu danom donošenja i objavljuje se na internetskoj stranici Univerziteta i organizacionih jedinica.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Daje se *saglasnost* na korištenje i upotrebu pečata i štambilja Univerziteta u Sarajevu – Arhitektonskog fakulteta koje je koristio prije statusne promjene do konačne izrade novih, a u skladu sa Odlukom dekana Univerziteta u Sarajevu - Arhitektonskog fakulteta broj: 05-1071/1-21 od 14. 07. 2021. godine.

II

Obavezuje se Arhitektonski fakultet Univerziteta u Sarajevu da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Daje se **saglasnost** na korištenje i upotrebu pečata Univerziteta u Sarajevu - Fakulteta sporta i tjelesnog odgoja koje je koristio prije statusne promjene do konačne izrade novih.

II

Obavezuje se Univerzitet u Sarajevu-Fakultet sporta i tjelesnog odgoja da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Daje se **saglasnost** na korištenje i upotrebu pečata i štambilja Univerziteta u Sarajevu - Filozofskom fakulteta koje je koristio prije statusne promjene do konačne izrade novih, a u skladu sa Odlukom dekana Univerziteta u Sarajevu - Filozofskog fakulteta broj: 02-01/303 od 15. 07. 2021. godine.

II

Obavezuje se Filozofski fakultet Univerziteta u Sarajevu da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godi

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

O D L U K U

I

Daje se **saglasnost** dekanu Univerziteta u Sarajevu - Fakulteta za kriminalistiku, kriminologiju i sigurnosne studije na poduzete radnje iz Odluke o izradi i upotrebi pečata fakulteta broj: 01-02-3979-1/21 od 08. 07. 2021. godine.

II

Obavezuje se Univerziteta u Sarajevu - Fakultet za kriminalistiku, kriminologiju i sigurnosne studije da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

O D L U K U

I

Daje se **saglasnost** dekanu Univerziteta u Sarajevu - Fakulteta zdravstvenih studija na poduzete radnje iz Odluke dekana Univerziteta u Sarajevu - Fakulteta zdravstvenih o izradi i upotrebi pečata fakulteta broj: 02-1-1300/21 od 09. 07. 2021.godine.

II

Obavezuje se Univerziteta u Sarajevu - Fakulteta zdravstvenih studija da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

O D L U K U

I

Daje se **saglasnost** na korištenje i upotrebu pečata Univerziteta u Sarajevu - Institut za genetičko inženjerstvo i biotehnologiju koje je koristio prije statusne promjene do konačne izrade novih,

u skladu sa Odlukom direktora Univerziteta u Sarajevu - Instituta za genetičko inženjerstvo i biotehnologiju broj: 353/21 od dana 16. 07. 2021.godine.

II

Obavezuje se Univerzitet u Sarajevu- Institut za genetičko inženjerstvo i biotehnologiju da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Daje se **saglasnost** na Odluku direktoru Univerziteta u Sarajevu - Orijentalnog instituta na poduzete radnje iz donesene Odluke o usklađenost pečata i prijemnih štambilja broj: 282/21 od 30. 06. 2021. godine

II

Obavezuje se Univerzitet u Sarajevu - Orijentalni instituta da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Daje se **saglasnost** na korištenje i upotrebu pečata Univerziteta u Sarajevu-Prirodno-matematičkog fakulteta koje je koristio prije statusne promjene do konačne izrade novih, a u skladu sa Odlukom dekana Univerziteta u Sarajevu - Prirodno-matematičkog fakulteta broj: 01/01-1577/2-2021 od 08. 07. 2021. godine.

II

Obavezuje se Univerzitet u Sarajevu - Prirodno-matematički fakultet da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe,

čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Daje se **saglasnost** na korištenje i upotrebu pečata Univerziteta u Sarajevu - Poljoprivrednog fakulteta koje je koristio prije statusne promjene do konačne izrade novih, a u skladu sa Odlukom dekana Univerziteta u Sarajevu - Poljoprivrednog fakulteta broj: 01-1-1382/21 od 01. 07. 2021. godine.

II

Obavezuje se Univerzitet u Sarajevu – Poljoprivredni fakultet da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

I

Daje se **saglasnost** na korištenje i upotrebu pečata i štambilja Univerziteta u Sarajevu – Stomatološkog fakulteta sa klinikama koje je koristio prije statusne promjene do konačne izrade novih, a u skladu sa Odlukom dekana Univerziteta u Sarajevu – Stomatološkog fakulteta sa klinikama broj: 01-03-42-29/21 od 09. 07. 2021. godine.

II

Obavezuje se Stomatološki fakultet sa klinikama Univerziteta u Sarajevu da u poduzimanju daljih radnji postupa u skladu sa odredbama Uputstva o načinu izrade, namjene i načina upotrebe, čuvanja, evidencije i uništavanja pečata, suhog žiga i prijemnog štambilja Univerziteta u Sarajevu broj: 02-24-6-1/21 od 26. 07. 2021.godine.

III

Ova odluka stupa na snagu danom donošenja.

Ad-7.

- a) Upravnom odboru Univerziteta u Sarajevu dostavljena je dokumentacija nakon okončanja procedure davanja u zakup prostora kojom se predlaže izbor najpovoljnije ponude, uz koji je dostavljen i Prijedlog Ugovora o zakupu poslovnog prostora površine 140 m² koji se nalazi u prizemlju zgrade Arhitektonskog i Građevinskog fakulteta Univerziteta u Sarajevu i vanjski plato ispred prostora površine 57,24 m², adresa ul. Patriotske lige broj 30, k.č. br. 40/10, općina Centar, katastarska općina Sarajevo IV. Upravni odbor Univerziteta u Sarajevu je sa 6 (šest) glasova „za“, donio *s l j e d e ć u*

ODLUKU

I

Daje se **saglasnost** za zaključenje Ugovora o zakupu poslovnog prostora, površine 140 m² koji se nalazi u prizemlju zgrade Arhitektonskog i Građevinskog fakulteta Univerziteta u Sarajevu i vanjski plato ispred prostora površine 57,24 m², adresa ul. Patriotske lige broj 30, k.č. br. 40/10, općina Centar, katastarska općina Sarajevo IV, koji će biti zaključen između Univerziteta u Sarajevu kojeg zastupa prof. dr. Rifat Škrijelj, rektor Univerziteta u Sarajevu i „VENSA“, Društva za proizvodnju, trgovinu i usluge d.o.o. Sarajevo sa sjedištem na adresi ul. Mula Mustafe Bašeskije br. 49, kojeg zastupa Nebojša Kovač, direktor.

II

Mjesečna zakupnina prostora koji je predmet Ugovora iz tačke I. iznosi 1.430,88 KM (slovima: jednahiljadačetristotinetrideset i 88/100 KM), bez PDV-a, odnosno 1.674,12 KM (slovima: jednahiljadašeststotinasedamdesetčetiri i 12/100 KM), sa PDV-om.

III

Obavezuje se rektor Univerziteta u Sarajevu da u skladu sa zakonom i Statutom Univerziteta u Sarajevu utvrđenim nadležnostima da ovlaštenje dekanima Arhitektonskog fakulteta i Građevinskog fakulteta Univerziteta u Sarajevu za zaključenje Ugovora iz tačke I. ove odluke.

IV

Ugovor iz tačke I ove odluke će se zaključiti na period od 3 (tri) godine, počevši od 01. 09. 2021. godine.

V

Ova odluka stupa na snagu danom donošenja.

- b) Upravnom odboru Univerziteta u Sarajevu je dostavljen Zahtjev Prirodno-matematičkog fakulteta Univerziteta u Sarajevu kojim se, u vezi sa upućenom Molbom zakupoprimca za oslobađanje plaćanja troškova zakupnine po osnovu zaključenog Ugovora o zakupu sa Prirodno-matematičkim fakultetom Univerziteta u Sarajevu, kao zakupodavcem, traži mišljenje i saglasnost za oslobađanje od plaćanja predmetne zakupnine. Upravni odbor Univerziteta u Sarajevu je sa 6 (šest) glasova „za“, donio *s l j e d e ć u*

ODLUKU

I

Bosančica food d.o.o. Sarajevo kao zakupoprimac, poslovnog prostora koja ima zaključen Ugovor o zakupu sa Prirodno-matematičkim fakultetom Univerziteta u Sarajevu, kao zakupodavcem, oslobađa se obaveze plaćanja dijela zakupnine, na način da se zakupnina umanjuje u iznosu od 50%.

II

Oslobađanje dijela zakupnine iz tačke I ove odluke primjenjuje sve dok su snazi odluke Senata Univerziteta u Sarajevu o alternativnim načinima realizacije nastave na Univerzitetu u Sarajevu za vrijeme trajanja vanrednih okolnosti, odnosno sve dok je na snazi opasnost od širenja zarazne bolesti uzrokovane koronavirusom (COVID-19) na području Kantona Sarajevo.

III

Ova odluka stupa na snagu danom donošenja.

- c) Upravnom odboru Univerziteta u Sarajevu dostavljen je Ugovor o zakupu poslovnog prostora Šumarskog fakulteta Univerziteta u Sarajevu, koji se nalazi na Igmanu, Hadžići, upisane K.O. LOKVE, ZONA Opština Hadžići: III, ukupne površine od 405,76m² za obavljanje djelatnosti kojima se bave sportsko-rekreativna, turistička i šumarska društva/udruženja na razmatranje. S tim u vezi, Upravni odbor Univerziteta u Sarajevu je sa 6 (šest) glasova „za“, donio *s l j e d e ć u*

ZAKLJUČAK

Upravni odbor Univerziteta u Sarajevu odobrava produženje Ugovora o zakupu poslovnog prostora Šumarskog fakulteta Univerziteta u Sarajevu, koji se nalazi na Igmanu, Hadžići, upisane K.O. LOKVE, ZONA Opština Hadžići: III, ukupne površine od 405,76m² za obavljanje djelatnosti kojima se bave sportsko-rekreativna, turistička i šumarska društva/udruženja, koji je zaključen između Univerziteta u Sarajevu kojeg zastupa prof. dr. Rifat Škrijelj, rektor Univerziteta u Sarajevu i Udruženja „Igra“, ul. Ruđera Boškovića broj 155, Novo Sarajevo, kojeg predstavlja i zastupa predsjednik Udruženja, Emir Makaš, kao i pripadajućeg Aneksa Ugovora (kojim je umanjena cijena zakupnine), *do okončanja procedure davanja u zakup prostora.*

Ad-8.

Postupajući po Zahtjevu za zaštitu prava dr. Emine Muftić, asistentice Farmaceutskog fakulteta Univerziteta u Sarajevu, zavedenom pod brojem: 0101-4865/21 od 20. 05. 2021. godine, Upravni odbor Univerziteta u Sarajevu je sa 6 (šest) glasova „za“ i 1 (jednim) glasom protiv, donio *s l j e d e ć u*

ODLUKU

1. Prihvata se Zahtjev za zaštitu prava dr. Emine Muftić, asistentice Farmaceutskog fakulteta Univerziteta u Sarajevu, zaveden pod brojem: 0101-4865/21 od 20. 05. 2021. godine, *kao osnovan*.
2. Obavezuje se Farmaceutski fakultet Univerziteta u Sarajevu da izvrši izmjenu Pravilnika o unutrašnjoj organizaciji i sistematizaciji radnih mjesta na Farmaceutskom fakultetu Univerziteta u Sarajevu.

Razmatrajući Prigovor podnositeljice Alme Palalije na Odluku dekana Fakulteta za kriminalistiku, kriminologiju i sigurnosne studije Univerziteta u Sarajevu o izboru kandidata za prijem u radni odnos, broj: 01-02-3185-1/21 od 31. 05. 2021. godine, Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKA

1. Odbija se Prigovor podnositeljice Alme Palalije na Odluku dekana Fakulteta za kriminalistiku, kriminologiju i sigurnosne studije Univerziteta u Sarajevu o izboru kandidata za prijem u radni odnos, broj: 01-02-3185-1/21 od 31. 05. 2021. godine, *kao neosnovan*.
2. Odluka dekana Fakulteta za kriminalistiku, kriminologiju i sigurnosne studije Univerziteta u Sarajevu iz tačke 1. ove Odluke se potvrđuje.

Razmatrajući Prigovor podnositeljice Samire Topalović na Odluku dekana Fakulteta za kriminalistiku, kriminologiju i sigurnosne studije Univerziteta u Sarajevu o prijemu u radni odnos na radno mjesto spremačice/higijeničarke, broj: 01-02-3187-1/21 od 31. 05. 2021. godine, Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

1. Odbija se Prigovor podnositeljice Samire Topalović na Odluku dekana Fakultet za kriminalistiku, kriminologiju i sigurnosne studije Univerziteta u Sarajevu o prijemu u radni odnos na radno mjesto spremačice/higijeničarke, broj: 01-02-3187-1/21 od 31. 05. 2021. godine, *kao neosnovan*.
2. Odluka dekana Fakulteta za kriminalistiku, kriminologiju i sigurnosne studije Univerziteta u Sarajevu iz tačke 1. ove Odluke se potvrđuje.

Razmatrajući Prigovor podnositeljice Nermine Rizvić na Odluku dekana Fakulteta za kriminalistiku, kriminologiju i sigurnosne studije Univerziteta u Sarajevu o prijemu u radni odnos na radno mjesto spremačice/higijeničarke, broj: 01-02-3187-1/21 od 31. 05. 2021.

godine, Upravni odbor Univerziteta u Sarajevu je sa 7 (sedam) glasova „za“, donio *s l j e d e ć u*

ODLUKU

1. Odbija se Prigovor podnositeljice Nermine Rizvić na Odluku dekana Fakultet za kriminalistiku, kriminologiju i sigurnosne studije Univerziteta u Sarajevu o prijemu u radni odnos na radno mjesto spremačice/higijeničarke, broj: 01-02-3187-1/21 od 31. 05. 2021. godine, *kao neosnovan*.
2. Odluka dekana Fakulteta za kriminalistiku, kriminologiju i sigurnosne studije Univerziteta u Sarajevu iz tačke 1. ove Odluke se potvrđuje.

Ad-9. Informacije:

- a) U okviru tačke 9. a) razmatrane su Izmjene i dopune dinamičkih planova za raspisivanje konkursa na organizacionim jedinicama Univerziteta u Sarajevu za studijsku 2020/2021. godinu:

Akademije scenskih umjetnosti – prima se k znanju,
Arhitektonskog fakulteta – prima se k znanju,
Ekonomskog fakulteta – prima se k znanju,
Elektrotehničkog fakulteta – prima se k znanju,
Fakulteta islamskih nauka – prima se k znanju,
Prirodno-matematičkog fakulteta – prima se k znanju,
Poljoprivredno-prehrambenog fakulteta – prima se k znanju.

Sjednica je završena u 16:00 sati

Sastavni dio zapisnika čini ispis poruka elektronske pošte predsjednika i članova Upravnog odbora.

**PREDSJEDNIK
UPRAVNOG ODBORA**

Dr. sc. Murat Ramadanović

Zapisničar:

Belma Hajradinović, MA prava

Služba za pravne poslove

